

元

詩

紀

事

元詩紀事卷十二

侯官陳衍緝

遺老

元好問字裕之太原秀容人金興定三年登進士第官至翰林知制誥金亡不仕世稱遺山先生有遺山

集

郝文忠集先生當德陵之末獨以詩鳴上薄風騷中規李杜粹然一出於正天才清瞻遠婉高古枕鬱太和力出意外巧縟而不見斧鑿新麗而絕去浮靡造微而神采粲發雜弄金碧樣飾丹素奇芬異秀洞蕩心魄看花把酒歌謠跌宕挾幽并之氣高視一世以五言雅爲正宗出奇於長句雜言至五百餘篇爲古樂府不用古題特出新意以寫怨思者又百篇用今題爲樂府揄揚新聲者又數十百篇

余謙遺山集序崔立之變駢首死難者不可勝紀遺山雖然獨存金亡晦道林莽日課一詩寒暑不易

遺山集初余學詩以數十條自警母怨懟母謔浪

母做狠母崖異母狡計母嫁阿母附會母籠絡母

衍粥母矯飾母爲堅白辨母爲聖賢頑母爲妾婦

妬母爲仇敵謗傷母爲聾俗閨傳母爲瞽師皮相

母爲黠卒醉橫母爲黠兒白捻母爲田舍翁木強

母爲法家醜訶母爲牙郎轉販母爲市倡恩怨母

爲琵琶娘返魂韻詞母爲村夫子兔園冊母爲算

沙僧困義學母爲稠梗治禁詞母爲天地一我古

今一我母爲薄惡所移母爲正人端士所不道

箕山

幽林博陰崖鳥道人跡絕許君棲隱處唯有太古雪人間
黃屋貴物外祇自潔尚厭一飄喧重負甯所屑降衷均義
稟汨利忘智決得隴又望蜀有齊安用薛干戈幾蠻觸宇
宙日流血魯連踏東海夷叔採薇蕨至今陽城山衡華兩
邱垤古人不可作百念肺肝熱浩歌北風前悠悠送孤月

元魯縣奉臺

荒城草木合破屋風雨侵千年一亭臺倦焉涕盈襟遺愛
食縣社公甯不堪任此臺即甘棠忍使無餘陰旁舍高以
華大豪日捐金蒼雲元武幕鬼物憑陰岑尚德抑元虛嗟
典誰當尋我興薦寒泉百拜公來臨公來不能知落日下
飢禽懷哉空山裏鶴飛猿與吟當年于鴻歌補喪一何深
承平示得意獨能正哇淫君相此一時又復悟良箴諛臣
坐廢黜盍亦起幽沈蒲輪竟頽轂香草空深林寂寞授書
室孤甥舉遺衾生平諒已然薄俗矧來今千山爲公臺萬
籟爲公琴夔曠不並世月露爲知音人間蹕涔耳已矣非
公心元道州文編以元魯山爲元魯縣又臺今爲元武祠故及之

郝文忠集業成下太行渡大河爲箕山琴臺等詩
趙禮部見之以爲少陵以來無此作也以書招之
於是名震京師目爲元才子

芳華怨

娃兒十八嬌可憐亭亭裊裊春風前天上仙人玉爲骨人
間畫工畫不出小小油壁車軋軋出東華金縷盤雙帶雲
裙接雁沙一片朝雲不成雨被風吹去落誰家少年豈無
恩澤侯金鞍繡帽亦風流不然典取驃鞴裘四壁相如堪
白頭金谷樓臺悄無主燕子不來花著雨只知環珮作離
聲誰向琵琶得私語無情鵝鶴翡翠兒有情蜂雄蝶雌
勸君滿酌金屈卮明日無情空折枝

歸潛志元裕之李長源同鄉里各有詩名由其不
相下頗不相成李好懷怒元嘗云長源有遺筆經

元好渭稽李軒以詩譏罵元無如之何元嘗權國
史院編修官時末帝召故駙馬都尉僕散阿海女
子入宮俄以人言其罪又蒙放出元因賦金谷怨
樂府李見之作代金谷佳人答一篇以拒焉一時
士人傳以爲笑談元詩云云

贈別孫德謙

津橋垂楊雪花白挽斷青衫苦留客西湖一雨春意濃絕
似銅駝洛陽陌湖亭轟醉臥春風到手金杯不放空鵲山
一帶傷心碧羨殺孫郎馬首東

庶齋老學叢談張寓軒相公少年與孫德謙於東平嚴侯府從元遺山讀書其歸也命二子送行及別求詩以東平二字爲韻孫得詩云云公得詩云汝伯年年髮如漆看渠著邸與雲平孫竟不永年或者謂德謙詩有殺孫郎語不祥如此則詩果有平乎

送李參軍

五日過居庸十日渡桑乾受降城北幾千里出塞入塞沙
漫漫古來丈夫淚不灑別離間今朝送君行清淚留餘潸
生女莫作王明君一去紫臺空珮環生男莫作班定遠萬
里馳書望玉闕我知驥子墜地無齊燕我知鴻鵠意氣青
雲端草間尺鸚亦自樂扶搖直上何勞搏一衣敝緼袍一
飽首蓿盤歲時壽窈嫗團樂有餘歡就令一朝便得八州
督爭似綵衣起舞春爛斑去年洛陽人今年指天山地遠
馬鞍破霜重貂裘寒朔風浩浩來客子慘在顏扼胡嶺上
一廻首未必君心如石頑君不見桓山鳥乳哺不得須臾
閒衆雛一朝散孤雌回顏聲悲酸寒雁來時八九月白頭
阿母望君還

歸田詩話予適保安周府教授勝碩亦以事累繼至見予每誦元遺山送李參軍赴塞上長篇謂舊讀此詩備悉塞垣之苦豈料今日親涉此境予愛其詩因請詳讀而備錄之

論詩三十首

一語天然萬古新豪華落盡見真淳南窗白日羲皇上未

害淵明是晉人

柳子厚唐之謝靈運陶淵明晉之白樂天

定宇先生文集答問問元裕之云柳子厚唐之謝康樂陶元亮晉之白樂天此說如何答曰謝康樂以放曠不檢束遭禍柳子厚陷伾文之黨亦卒貶死以之並說亦自頗是陶元亮忠義曠達優游樂易以白樂天比之亦似但優游樂易相似而論其至到處則樂天不能及淵明也

恨無人作鄭箋
望帝春心託杜鵑佳人錦瑟思華年詩家總愛西崑好只

牧菴集嘗疑遺山論詩於西崑有無人作鄭箋之恨漫不知何說心竊異之後聞高吏部談遺山誦

義山錦瑟中四偶句以爲寓意於適怨清和始知謂鄭箋者殆是事也

東野窮愁死不休
高天厚地一詩囚
江山萬古湖陽筆
在元龍百尺樓

歸田詩話東野云云推尊退之而鄙薄東野至矣東坡亦有未足當韓豪之句又云我厭孟郊詩復作孟郊語

簪步相仍死不前
唱酬無復見前賢
縱橫自有凌雲筆
俯仰隨人亦可憐

南漢詩話東坡云詩須有爲而作山谷云詩文唯不造空强作待境而生便自工耳予謂今人之詩惟務應酬皆無謂而作者也無怪其語之不工遺山云云知其病者也

有情芍藥含春淚
無力薔薇臥晚枝
拈出退之山石句
始知渠是女郎詩

中州集王中立傳予嘗從先生學問作詩究竟如何先生舉秦少游春雨詩有情云云詩非不工若以退之芭蕉葉大梔子肥較之則春雨爲婦人語矣破却工夫何至學婦人

歸田詩話元遺山論詩三十首內一首云云初不曉所謂後見詩文自警一編亦遺山所著謂有情

二句此秦少遊句也非不工巧然以退之山石句觀之渠乃女郎詩也破却工夫何至作女郎詩

俳體雪香亭雜詠十五首

爐薰浥浥帶輕陰翠竹高梧水殿深去去氈車雪三尺畫羅休縷麝香金泥金色如麝

香宮中所尚

藝林伐山宋徽宗宮人多以麝香色縷金羅爲衣裙元裕之詩此去穹廬千萬里畫羅休縷麝香金

羅綺深宮二十年更持桃李向誰妍人生只合梁園死金

水河頭好墓田

山房隨筆金國南遷浸弱不支父遷睢陽某后不肯播遷甯死於汴元遺山有詩云云

東臯雜錄金國南遷後國浸弱云云見山房隨筆
王阮亭但謂其擬張祜人生只合揚州死禪智山
光好墓田蓋哀金宮人之被俘虜者耳豈未見此
耶

鄉郡雜詩五首

百年喬木鬱蒼蒼老風流趙與楊爲向榆關使君道郡
中合有二賢堂

元朝名臣事畧引四賢堂記聶侯珪帥平定聞敬
齋李公之名而賢之延至郡舍會遺山元公還太
原過之爲數日留因追憶閒閒文獻二老作詩云
云聶侯起謝曰此庄志也方經始而聶侯卒至元
二年到侯天祿繼守是州爲屋數楹置楊趙元李
四公像於中以事之

論詩三首

暉碧裁紅點綴勻一回拈出一回新鶯鶯繡了從教看莫
把金針度與人

月山詩話元遺山詩喜用古人成語陶杜句尤多論詩絕句鶯鶯云云亦是古句朱子云子靜說話常是兩頭明中間暗其所以不說破便是禪所謂鶯鶯繡出從君看莫把金針度與人他禪家自愛如此

句

高原水出山河改戰地風來草木腥花啼杜宇歸來血
樹掛蒼龍蛻後鱗白骨又多兵死鬼青山原有地行仙
燕南趙北無金土王後虛前總故人神功聖德三千
牘大定明昌五十年

歸田詩話元遺山在金未親見國家破殘詩多感
愴如云云皆寓悲愴之意至神功云云不忘前朝
之感亦可念也

句

七重寶樹圍金界十色雲華擁畫梁

升庵集金國仙人王予可詩多用雲華字見中州集元好問詩剝裂雲華漬月秋又寶宮寺云云雲文也又石丈似雲亦曰雲華古三墳書曰雲赤雲月雲素雲

句

英威未覺消沈盡試向春陵望鬱葱

歸潛志予先子翰林令葉時同郝坊州仲純賦昆陽懷古詩諸公多繼作元裕之云云案英威二句遺山集中失載

白君舉號寓齋陝州人登金泰和詞賦進士第北渡後卜築於潁陽與元遺山齊名稱元白

案全金詩作君舉失其名元詩癸集作白賁字君舉然君舉與元遺山友善而中州集白賁下不云字君舉也

題靖節圖

咄哉靈運輩竟坐衣冠辱誰知五柳家春雨東臯綠

酬元遺山

夢裏薰風湛露歌花開漢苑舊經過拾遺老去青春暮司馬歸來白髮多橫槊賦詩吾豈敢短衣扣角夜如何相逢未盡相思話草色連雲水碧波

梧溪集李冶序其詩曰龍韜雷厲於紛擎之頃玉睡川流於談笑之餘逢觀其題靖節圖有云云風
節可槩見矣併錄酬元公八句云云弟文舉亦登貞祐進士第馮西巖內翰有科第聯飛光伯博之句稱擬云

句

欲搜春草池塘句葉裏關心夢不成

遺山集李定齋有詩寄白以因風何借數行書爲落句白酬答云云余平解之云金粟岡頭有髮僧遙知默坐對龕燈書郵但覺浮沈久詩卷何緣唱和曾白日放歌須縱酒清朝有味見無能相逢定有池塘句樂裏關心恐未應

楊宏道字叔能號素菴淄川人金末補父蔭不就有小亨集

遺山集叔能與余會於京師遂見禮部闈閑公及楊吏部云公見其幽懷久不寫及甘羅廟詩噴噴稱歎不已

空村謠

淒風羊角博曠野埃塵腥膏血夜爲火望際光青熒頽垣俯積灰破屋仰見星蓬蒿塞前路瓦礫堆中庭殺戮餘椎老疲羸行欲傾居空村問汝何以供朝昏氣息僅相屬致

詞難遽言往時百餘家今日數人存頃篴長鑱隨日出樹
木有皮草有根春磨沃飢火水土仍君恩但恨誅求盡地
底官吏有時還到門

中州集張介嘗贈詩人楊叔能未章云我貧自救
如沃焦君來過我亦何聊爲君欲寫貧士歎才思
殊減荒村謠楊初以荒村謠得名故云

因學齋雜錄任城翟慶之云在東平時南王子
潤問楊叔能之詩於止軒先生先生曰叔能早年
詩名藉甚初入京時如空村謠甘羅廟諸作楊趙
諸公極口推許及自闡中還所作澹不可讀

羅椅字子遠號磾谷廬陵人宋寶祐四年登第

癸辛雜識少年以詩名高自標致常以詩授後村
有華裾客子袖文過之句知其爲巨富家子也壯
年留意功名借徑勇爵捐金結客馳名江湖時方
尚程朱之學於是盡棄舊習而學焉尊饒巔峯爲
師

丁酉系年卷十一
三
晾睡詩

晾睡從何來
譬若風雨至
曲几不得憑
虛櫺那暇寄
譬人眉強撐
伸手扇已墜
徑游華胥國
欲見混沌帝
齁齁自成腔
兀兀更有味
息疎疑暫醒
氣窒還扶醉
兒童欲憐翁
搖膝問某字
吻間僅一答
言下已復寐
雜然拍手笑
欲嗔嗔不遂
何曾參佛祖
先會點頭意
何曾逢駔車
流涎已沾袂
不省較短長
誰能問興替
陰天百怪舞
問口輒差異
三百六十日
何以長晾睡

東南紀聞潤谷羅椅子遠頃由乙科登顯仕廬陵大儒也江南革命後歸隱故鄉嘗作晾睡詩曲盡其妙未意尤有味云云

劉辰翁字會孟號須溪廬陵人宋景定廷試對策忤賈

似道置丙第以親老請濂溪書院山長大德初卒

勤有堂隨錄劉辰翁其人好怪父喪七年不除

月詩

覽裳聲裏一擷如今是第幾輪赤壁黃樓都在古今多少

愁人

癸辛雜識劉會孟嘗作月詩六言云云爲人所訐
幾殆

蘇李泣別圖

事已矣泣何爲蘇武節李陵詩噫

輟耕錄痛快嚴峻抑揚感傷

熊禾

一作銘

字位辛號勿軒又曰退齋建陽人宋度宗咸

淳十年登第授甯武州司戶參軍入元隱居不仕

贈筆生

東坡詠鼠鬚山谷歌猩猩微物豈足道斯文頗關情片言
鈇鉞凜一字華袞榮化工運方寸亦自芒中生寄與管城
子所託甚非輕

熊勿軒集原評有鈇鉞華袞之任自不得不託管
城子發揮予奪

贈琢硯

我聞銅雀瓦只覆嬌屋殊又聞端溪石亦近貪泉夫胡爲
得貴重置我几案隅尙恐習氣膩解使簡冊汚我有一寸
鐵秉心與之俱永矢磨不磷千載明區區彼哉風與石飄
擲付太虛

熊勿軒集原評先生自矢不磷不與瓦石同碎居然節義

高晞遠字照庵通州人咸淳德祐間嘗通判平江府入

元未仕

句

蒙氣欲吞天下土冷官初到岳陽城

輟耕錄構李頤淵白特才傲物嘗入京獻燕都賦翰長元公復初不喜曰今天朝四海一統燕蓋昔

時戰國稱何燕之稱慚恨而歸晚年始得領教岳陽高煦菴先生以詩送之云云切中其實

牟巘字獻之其先蜀人徙湖州登宋進士第官大理少卿入元不仕有陵陽集

句

翻手可覆手曲身成直身

癸辛雜識牟獻之嘗有謝人送炭一聯云云

李珏字元暉吉水人宋末爲攢宮屬官大德間年八十
餘自號廬陵民人稱鶴田先生

句

此水自當兵十萬昔人曾有客三千

梅礪詩話江陰乃春申君舊封君山浮遠堂瞰江對淮爲一郡佳境李鶴田一聯云人多稱誦

魏新之字德夫桐廬人宋咸淳七年登進士第除教授

春日田園雜興

農圃誰言與世違韶華正恐屬柴扉天機花外聞幽哢野色牛邊晚落暉膏雨平分秧水白光風小聚藥苗肥行歌隱隱前村暖忽省深山有蕨薇

月泉吟社第六名起有顧挫二聯善琢句善鍊字未意尤永

又

野景入時務東風勦滿鋤笛聲牛出後酒味燕來初穀種
天心在桑枝帝澤餘紅塵幾飛駆肯信有農書

月泉吟社第五十三名起句快便結意深遠兩聯亦高不得已屈置諸此

何鳴鳳字逢原分水人宋末官教授

前題

東風轉囁又東臯久賦將蕪力未薅古木陰深巢燕弱荒
陂水淺怒蛙號兒癡方擬半栽秫身隱尙嫌全種桃何許
蕨薇君欲采饑眠堪羨華山高

月泉吟社第十四名語健意深雖首句疊字微欠推敲後聯與末聯過人矣

又

星明天駟光興農稼圃犁鉏處處同播穀競趨新禹甸條
桑猶記舊幽風草綠疆畎縱橫綠花隔藩籬深淺紅自笑
偷生勞種植西山輸與采薇翁

月泉吟社第四十五名雋味寓於細律中微作者不及此

高鎔字聲玉三山人宋末官婺州教授

前題

已學淵明早賦歸東風吹醒夢中非鶯聲曉院來談舊牛
背安閒勝策肥時聽樵歌時牧笛間披道氅間農衣篇詩
那可形容盡何似忘言對夕暉

月泉吟社第二十二名五六作意就雜字上形容畧似爲氣格之累第二句穎拔未用淵明意尤佳

陳傑

隱居通議近世豐城陳壽父傑號自堂江西名詩人

案宋詩紀事作陳杰字壽夫分甯人宋咸淳十年進士制置司屬官有自堂集而七修類稿以爲元人必入元尚存

春風

著柳成新綠吹桃作故紅衰顏與華髮不敢怨東風

七修類稿唐崔道融題班婕妤曰寵極辭同輦恩深棄後宮自題秋扇後不敢怨東風曹鄴題庭草曰庭草根自淺造化無遺功低徊一寸心不敢怨春風元陳自堂題春風云云句意相似

林月香

句

楚人一縷垂亡命盡向秦庭哭得回
六國既亡秦一統
如何却道帝秦非
那知老子癡頑福會見官家歷五朝

可憐幾幅通神畫只入桓元夾袋中

吳文正公集昔予弱冠與程鉅夫同學臨汝書院時月香林君以鄉先達日坐前廡位予二人朝夕出入以諸生禮詣位趨揖然後退不十年事大異鉅夫爲達官位於朝予爲農夫耕于野林君亦歸隱于市又數年君暫出爲縣大夫客始相見予旣壯君亦老矣一日君以諱史一編示予君謂觀者必笑其癡余讀至中包胥云云魯仲連云云焉道云云顧愷之云云誰謂君癡誰謂君癡

元詩紀事卷十三

無時代

侯官陳衍緝

趙永嘉

寶蓋山詩刻

青山吐出白龍開我是地仙
趙秀才嘉善有魚餐得去永
嘉有虎喚能來

福建通志寶蓋山詩刻趙永嘉或曰宋時人或曰元時人虎岫僧有嘉善者與永嘉相好嘗網魚作食永嘉刻詩石上云云

武伯英

句

啼殘瘦玉蘭心吐蹴就春紅燕尾香

藝林伐山元武伯英詠燭剪云云爲一時所賞
山西通志武伯英崞縣人少舉進士以詩名嘗賦
剪燭刀有云云句仕觀州倅喜貯書有萬卷樓

金方所

廢家子孫詩

興廢從來固有之爾家忒煞欠扶持諸墳掘見黃泉骨兩
觀番成白地皮宅眷皆爲擰目冤舍人總作縮頭龜強奴
猾幹欺凌主說與人家子弟知

輟耕錄秀之斜塘有故宋大姓居焉家富饒而子孫多不肖祖父財產廢敗罄盡郡人金方所談辭滑稽爲摭其事成近體一律云云夫冤擰目望月而孕則婦女之不夫而妊也其家有道觀二所語雖鄙俚然爲人後者見此甯不知懼哉

于演字佩遠台州臨海人

題金鰲山

金鰲之山金碧浮重元寶坊居上頭鐘聲夜度海門月樹色遠攬豐山秋龍伯國人真妙手掣此巨靈鎮江口丹邱逸士來跨之石窟爲尊江當酒黃鬚天子七寶鞭黃頭漁郎櫂江船百年塵跡果何在芒碭雲去山蒼然歷試諸難固天造中興開國何草草腹心有疾日月昏英雄無聲天地老兩宮不歸汴水流此地空傳帝子游惜無健筆驅風雨一洗江山萬古愁

輟耕錄吾鄉于佩遠先生題金鰲山詩云云至今
膾炙人口山枕海屬臨海縣章安鎮初宋高宗在
潛邸曰泰州人徐神翁云能知前來事羣闇言於
徽宗召至以賓禮接之一日獻詩於帝曰牡蠣灘
前一艇橫夕陽西去待潮生與君不負登臨約同
上金鰲背上行及兩宮北狩匹馬南渡建炎庚戌

正月三日帝航海次章安鎮灘淺閣舟落帆於鎮之福濟寺前以候潮顧問左右曰此何山曰金鰲山又問此何所曰牡蠣灘因默思神翁之詩乃屏去警蹕易衣徒步登岸見此詩在寺壁間題墨若新方信其爲異人也

李宗冽

閔項氏

少無依倚老何堪白髮婆娑亂不簪夢裏尙思江北好悔將夫骨葬江南

輟耕錄燕山項氏其夫江南人行賈燕薊間聘項與居未幾夫死項奉柩回江南廟志子居以守夫祀吁江李宗冽閔其事賦之云云

徐孟岳

岳王墓

童大王回事已非岳將軍死勢尤危直教萬歲山頭雀去
繞黃龍塞上旗飲馬徒聞腥鞏洛洗兵無復望條支湖邊
一把摧殘骨蓋世功成百世悲

歸田詩話岳王墓詩趙子昂云世皆稱誦和者二人亦傑作也徐孟岳云高則誠云云

吳仁叔

答內

一幅空箋聊達意佳人端的巧形言賢妻若也投科試應
作人間女狀元詳韓氏下

吳伯慶

挽張伯成

何處重逢說別時斯文千載盡交期學憐知己先登早生

愧同庚後死遲箋疏空令傳杜律誌銘誰與繼唐碑寡妻
弱子將焉託節傳遺文只益悲

筆精杜律虞註楊文貞作序疑其不出伯生之手然實京口張伯成所著也亦元進士後世借伯生之名以行元吳伯慶有挽張伯成詩云云

楊鵬翼

鞦韆

日轉華簷樹影偏謝家庭院簇神仙綵繩斜擎纖纖筍畫板輕承步步蓮弄玉未升雲漢上綠珠先墜舞樓前不知小徑殘紅裏明日何人拾翠鉏

筆精啄韆詩以洪覺範之作爲最而元人楊鵬翼一首尤佳也云云

張明

句

春風跨馬銀鞍穩夜月騎牛鐵笛閒

江南通志玉山在府南十里其上多古木蒼藤有惠昭寺宋尚書梅詢讀書處李含章亦嘗隱此元

張明詩云云蓋詠三事也

案府寧國府

侯友彰字夢符衡山人

句

萬錢終有命遺汝不如廉

萬歷湖廣總志以進士任臨桂縣尉廉慎不苟其示子詩有云云之句人敬重之

何有成

句

曾有仙人雙白鶴可無老子一青牛

山堂肆考白鶴觀在岳州石門縣西宋時建元何有成詩云云

劉淵

花林院

花落春已暮開門白雲來階前一片石風雨留莓苔

山堂肆考花林院在南雄府城東元劉淵詩云云

郭正平

句

灞橋柳絮人千里楚澤蘆花水半扉身臥不知雲子白氣酣聊作木奴酸

龍性堂詩話元人郭正平詠雪云云皆楚楚有致

張孟

句

鴻濛再剖一天地書契復見科斗文

升庵書品元朝主中國日用羊皮寫詔爲之羊皮
聖旨其字用蒙古書中國人亦習之張孟詩云云
張光弼輩下山云和寧沙中撲朔筆史臣以代鉛
繫事百司譯寫高昌書龍蛇復見古文字蓋春秋
多微詞之義也

張起

句

別來越樹長爲客看盡吳山不是家

輟耕錄張起四明人有詩名嘗作一聯云云未幾
卒詩亦有識歎

韜達亞

戲贈瞽者

玄寺已亭

卷上三

五

就鞍和袖綰絲韁也逐王孫出晉陽人笑但聞誇景物風
來應解審笙簧馬蹄響處無芳草鶯舌調時有綠楊休道
不知春色好東風桃李一般香

草木子韁韁呼御史春日與一鼓者並馬出遊晉陽因戲贈以詩云云不待吟諷亦知其爲鼓者之詩也

元詩紀事卷十四

侯官陳衍緝

道流

邱處機字通密號長春子登州棲霞人學道於重陽眞人有磻溪集

元史歲己卯太祖自奈曼命近臣札八兒劉仲祿持詔求之處機一日忽語其徒使促裝曰天使來召我我當往翌日二人者至處機乃與弟子十有八人同往見焉自崑崙歷四載而始達雪山常馬行深雪中馬上舉策試之未及積雪之半

雪山

當時悉達悟空晴發軒初來燕子城撫州是也北至大河三月數即陸局河也到四月西臨積雪半年程即此地也山常有雪東至陸局河約五千里七月盡到不能隱地迴風坐道法有迴風隱地術郤使彌天

逐日行行到水窮山盡處斜陽依舊向西傾

長春真人西遊記踰嶺而南至蒙古營宿拂蘆旦行迤邐南山望之有雪因以詩紀其行云云郵人告曰此雪山北是田鎮海八刺喝孫也八刺喝孫漢語爲城中有倉廩故又呼曰倉頭

至回紇城暇日出詩一篇

二月經行十月終西臨回紇大城墉塔高不見十三級以刻鏤玲瓏外無層級內可通行山厚已過千萬重秋日在郊猶放象夏雲無雨不從龍嘉蔬麥飯葡萄酒飽食安眠養素體

長春真人西遊記過大河至那米思干大城之北太師移刺國公及蒙古回紇首載酒郊迎大設帷帳因駐車焉宣師劉公以路梗留師從之太師遂月奉米麪鹽油菓菜等物公見師飲少請以葡萄百斤作新釀師曰何必酒邪但如其數得之待賓客足矣其蒲萄經冬不壞又見孔雀大象皆東南數千里印度國物師因暇日出詩一首云云

遊郭西歸作

陰山西下五千里大石東過二十程雨霽雪山遙慘淡春
分河府近清明邪米思干大城大石有國時名爲河中府園林寂寂鳥無語木雖茂並無飛禽風日遲遲花有情同志暫來閒睥睨高吟歸去待

昇平

長春真人西遊記二月二日春分杏花已落司天臺判李公輩請師遊郭西宣使泊諸官載葡萄酒以從是以蔬圃憩則藉草人皆樂之談元論道時復引觴日景方歸作詩云云郭西園林相接百餘里雖中原莫能過但寂無鳥聲耳

寄東方道衆

當時發軾海邊城海上干戈尙未平道德欲興千里外風沙不憚九夷行初從西北登高嶺即野狐嶺漸轉東南指上京

陸局河東畔東南望上京也

迤邐直西南下去

西南四千里到兀里朵又西南二千里到陰山

陰山之外不知名

陰山西南一重大山一重小水數千
里到邪米思干大城師館於故宮

長春真人西遊記宣差李公東邇以詩寄東方道

衆云云

奉詔回作

外國深蕃事莫窮陰陽氣候特無從纔經四月陰魔盡
霖雨四月純陽絕無雨却早彌天旱魃凶浸潤百川當九夏摧殘萬
草若三冬我行往復三千里不見行人帶雨容

長春真人西遊記始師來觀三月竟草木繁盛羊馬皆肥及奉詔而回四月終矣百草悉枯作詩云
云

王元粹字子正初名元亮後止名粹平州人

十月風霜侵病骨數家鍼線補殘衣

中州集年十八九作詩便有高趣正大末用門資
敘爲南陽酒官遭亂流寓襄陽破隻身北歸
寄食燕中遂爲黃冠師有云云之句親舊有憐其
孤苦欲爲之更娶者子正業已高舉主太極道院
竟不能自返年四十餘癸卯九月病卒

聶碧窗

哀被虜婦

當年結髮在深閨豈料人生有別離到底不知因色誤馬
前猶是買臙脂

誠齋雜記聶碧窗有哀被虜婦詩爲一時稱誦

北朝赦至感而有詩

乾坤殺氣正沈沈又聽燕臺降德音萬口盡傳新詔好四

朝誰念舊恩深分茅列土將軍志問舍求田父老心麗正
押班猶昨日小臣無語淚沾襟

詠北婦

雙柳垂眉別樣梳醉來馬上情人扶江南有眼何曾見爭
捲珠簾看固姑

題趙太祖真容

鳳表龍姿儼若新一回展卷一傷神天顏亦怪君非虜河
北山東總舊臣

山房隨筆京口天慶觀主聶碧窗江西人嘗爲龍
翔宮書記北朝赦至感而有詩云又詠北婦云
云觀中有趙太祖真容北來者見必拜聶因題其
上云云

梁大桂字中砥其先湘州人徙居鎮江入句曲山爲道

士

送存書記

一聲兩聲松子落
三片五片楓葉飛
夕陽在山新月上道
人相伴一僧歸

清河書畫舫吾家舊藏陳深手書甯極齋稿計四十葉筆意不減子昂今歸荻溪王氏內有題梁中砥詩趙子昂畫古體一篇附此其序曰中砥有送存書記詩云云趙公子昂畫而爲圖中砥索詩漫賦一首

吳全節字成季號閒閒饒州安仁人學道於龍虎山張留孫世祖賜號上卿至治間授玄教大宗師有看雲集

道園學古錄作南山諸詩沈鬱哀慕

句

要知顏子如愚處正是羲皇未畫前

道圓學古錄嘗作環樞之室畫先天諸圖於壁有詩云云其所造蓋如此

李道坦字坦之錢唐人

杜鵑行

吾聞昔有蜀天子化作冤禽名杜宇一身流落懷故鄉萬里逢人訴離苦西來縱呼巫峽間楚臺花落青春闌臺中魂夢久寂寞行雲日暮愁空山明朝復向瀟湘發北叫蒼梧江竹裂竹間之淚花上血怨入東風俱不滅天涯無窮朝暮啼王孫草綠不須歸哀哉王孫終不歸江南江北楊

花飛

吳禮部詩話坦之早歲入道洞霄宮學文於隱者
鄧牧作杜鵑行云時年二十餘齡遠從鄧公日
益精進其歌行最爲流麗

寄吳正傳

拂袖行歌歸古鄉相思又是一星霜夢回江上秋風杳愁
入天涯春草長書問久淹嗟契闊詩章時讀慰淒涼知君
亦有逍遙興肯學征鴻爲稻梁

送人歸嚴陵併寄吳正傳

官車一兩馬並馳送君朝出城門西投觴誓河以爲別東
流到海無還期雲間掛冠歸故里河上停帆謝遊子不願
松江食巨鱸甘向桐江釣寒水子陵昔釣川之側百尺高
臺猶屹立斜日歸舟繫石根稽首清風無愧色金華洞天

清且幽神仙牧羊松下遊故人吳君仙者儻高臥巖屋秋
浮浮茲山相鄰爾隣州山翠俯壓城南樓吳君之家某水
邱尺書欲煩親手投一見足寫平生憂

高將軍白鶴子歌

湘西猛士高將軍新獲驥禽被涼素調之弗顧情未狎跨
馬臂出城東去征鴻作字雲邊斜簪身直上誰能遮天寒
日暮望不見北風萬里吹瑤花雲飛忽斷鴻飛却短草長
煙沙際漠但餘孤色搖清秋未許纖毫生碧落歸來珍衛
不解韁親手餒肉供飢喉英雄遇合固有分可惜驚塵俱

雪頭

李白酒樓歌

溧陽酒樓春水涯白馬繫在樓東家千金醉盡不復顧猶
吹玉笛引吳娃日斜樓外東風起春愁滿眼楊花裏高歌
一曲下樓去傳徧江南數千里錦袍綠水迷蹤跡月落空
梁照顏色江頭盡日不見人樓上幾年無此客倚欄仰看
西飛雲胡爲不飲愁其身卽今寂寞千年後誰酌青山山
下墳

句

落日中原小悲風易水寒 凡物皆歸土深山始見天落葉
城南草綠王孫去江上花飛燕子來 清江百轉秋花底
漁火孤舟暮雨中 芙蓉水碧雙鳧冷首蒼秋萬馬肥

吳禮部詩話在蘭江時嘗手寫一帙留予家至大
戊申別後寄友三詩一以與予云云又送人歸嚴

陵併寄予云云坦之素善書余愛之嘗裒其手寫者一卷爲人竊去僅存一幅二詩皆佳高將軍白鶴子歌云云其一李白酒樓歌云云警句如落日云云嘗自言以此詩寄鄧善之鄧借以爲己作凡物云云不可勝錄也

黃石翁字可玉南康人有松深集

清容居士集家居廬山下少多疾父母強使爲道士

寒食客中

明朝便典黑貂裘寒食甯無數日留煙斷昔曾悲介子火衰今不祀商邱百年盡付風吹柳一雨遠隨山入樓安得五侯鯖到我自脩茶事試香筭

慘淡微茫斷客魂最難忘處最難言南陵不可避風雨麥飯如何託子孫往事滄江吹白鳥誰家鐵撥送金尊欲尋

隱者相傾倒煙柳深深不見門

吳禮部詩話黃石翁寒食客中二云二云詞旨精深音節悲壯淒涼感慨之意溢於言表讀之猶使人惻然

句

看山如覓孟萬年君自求之眉睫閒病翁生愁午睡去舟行失却九峯山前瞻數點頗銛銳沿流計程只此是

吳禮部詩話舊得黃可玉江行小稿讀其望九華山詩云云愛其意新而語佳後閱程致道北山集望九華山詩序云船發大雲倉五十里許顧江南衆山中有數峯奇瘦特異一見即知其爲九華問篙人果然因知褚季野於廣坐中識孟萬年正應如此黃豈嘗見此耶不然則詩人胸次之妙固有不約而同者

王與敬號秋崖三山人武夷山道士

句

依然拂袖歸山去止止庵前伴白雲

武夷山志嘗遊雲州求雨大應城中有妖治之頽滅當事薦於朝授號至道元應通妙法師至大間乞還山有句云云

彭日隆號隱空崇安人武夷山道士

自讚

五五二十五只管從頭數到底一也無松梢月當午

武夷山志信口吟詠頗有理致嘗自讚云云卒時正七十五歲

朱本初字臨川人出家上清宮三華院

盜發亞父冢

戲馬臺前范增冢英風千載行人竦冢中寶氣騰光芒識

寶賈胡心爲動築室潛謀二十年一朝鑿井穿其壘畚锸
繞深四十尺乃有石盤青竈崧四旁將杙大十圍各施九
十森環拱石穿棺翫更分明漆光可鑑剛而輦斲之不用
揮金椎白骨儼然全頂踵寶劍未化橫蒼虬金玉輝耀氣
交擁賈胡致富須臾間棄骨溝中甯愧恐平原無色鼓角
悲山鬼夜號川澤湧太守陳公英俊才慨歎奸偷吾所統
亟呼五百取羣盜械置狴犴見仁勇傷哉亞父天下奇鴻
門高會眞危機火龍飛起實天意拔劍起舞空爾爲風雲
變化失隆準玉斗一碎山河非如公明義古亦少發憤乃
作彭城歸六合茫茫漢疆土厚葬何人誠可嘆君不見驪
山牧豎遺燼酷不如王孫裸葬良亦足

風月堂雜識范增墓一名亞父塚在徐州城南一里許元季有賈胡盜發其塚深四十尺許得寶劍虞邵菴諸公皆有詩悼之朱本初一首云云

張雨字伯雨一名天雨別號貞居子錢塘人至正間卒有句曲外史集

西湖志餘作黃篾樓儲古圖史作水軒于洛鵠灣營墓於靈石塢售繫腰作梁名玉鈎橋橋南數十步作藏書石室自勒銘而吳睿隸古杭州府志張伯雨嘗有春日游南山約云看花長安已是丈人之行問鐵鑄步聊從太史之觀甫及春晴可無宿諾且鬻峯猿洞衆人何莫由斯顧靈石龍泓賢者而後樂此

答楊廉夫二首

弄水摘花春可憐風雨倦尋茅步船我家南塢有靈石龍井西頭無杜鵑野鶴孕雛畏人過弱柳委地趁蠶眠千雲

胡爲甘寂寞後世何人知太玄

黃篾樓中唯飲酒樓下長溝鳬雁多
鬱頭橋斷迷青草闊處風來生白波
饑奴竟煮脫網筍老魚戲唼如錢荷詔書
寬大到海角河北飢氓爭倒戈

道言

造物於我厚一切使我薄瓶中有儲粟持此臥雲壑弊衣
取苟完得味在藜藿花鳥子友于尊酒不獨酌牀頭堆故
書敗履置牀脚未嘗身沒溺何與世濁惡正如散馬牛不
識穿與絡異時老髑髏會有南面樂

九月風雨清齋

中林授衣節寒氣早已集牖戶洎裘褐凡百缺治葺窮居

昧時序頗訝光景急叢篁助幽翳漾瀨發空寂水禽穿屋
過巖樹排簷入陶尊旣塵漬墨突亦雨立遐思把菊詠端
處掬溜室空言非藥餌殆不廢九日

澗河對雨二首

山雲油然作山雨來不緩旣沾靈石塢遂灑寒栖館落水
遽如許衆草行復爛有酒不堪酌無堪把玩與聞季長
笛甯從中散鍛代謝夫何如徒爲白首歎

步歸靈澗幽泥染居士屬不知嵐雨深稍怯布衣薄拂床
次羣帙掃徑堆脫繩清坐亦偶然吾非慕仙爵

奔月卮歌答鐵雅所作

甓社明珠奔入月脫殼正似風蟬潔漁網出之不敢視滌

盡含沙光不滅文昌四星吞在腹一一金晶大如菽蜃物
還來作飲器日夜雄虹繞茅屋一扇桃核寬有餘半葉蕉
心捲未舒飲非其人躍入水怪雨盲風生坐隅置之天上
白玉盤斗柄挹酒長欄干李白跳下鯨魚背持勸我飲相
交歡幽宮馮夷爲子泣酌盡海水百怪出還我平生老蚌
胎許君醉臥蛟人室

鐵網珊瑚右句曲外史與袁子英所寫詩凡五十五篇其首兩章乃此老道人效余鐵雅者也如道言清齋淵阿諸詩皆其道趣中流出者若奔月局則又頑仙之橫出者吁道人仙去已一紀矣鐵雅之友屬之何人開卷愴然不勝山陽之感二云至正二十有一年花朝日抱遺叟楊維禎在清真之竹洲館書

懷茅山

元詩紀事

卷十四

十

我有草堂南洞門，常時行坐虎同羣。丹光出林掩明月，玉氣上天爲白雲。遙憶田泉洗蒼尤，更思陶淵采香芹。歸來閉戶償高臥，莫遣人書白練裙。

贈紐憐大監

論卷聚書三十萬，錦江江上數連艘。遠追教授文翁學，重歎徵求使者勞。石室談經修俎豆，草堂迎詔樹旌旄。也知後世揚雄在，獻賦爲郎媿爾曹。

西湖竹枝集其詩俊逸清贍儻輩鮮及有如丹光出林云云不目之爲仙才不可也

鐵網珊瑚自跋請以蜀文翁之石室揚雄之墨池杜甫之草堂皆列學宮又爲甫得謚曰文貞以私財作三書院徧行東南收書三十萬卷及鑄禮器以歸虞全章紀其事邀予賦詩如左

宛委餘編偶閱張伯雨贈紐憐大監詩跋云云按元史有紐憐傳而不載此事

題授經郎獻書圖

侍書愛題博士畫日日退朝書滿床奎章閣上觀政要無人知有授經郎

輟耕錄文宗御奎章曰學士虞集博士柯九思常侍從以討論法書名畫爲事時授經郎揭傒斯亦在列比之集九思寵眷稍疏因潛著一書曰奎章政要以進二人不知也萬幾之暇每賜披覽及晏

朝有畫授經郎獻書圖行於世厥有深意存焉張伯雨題詩云云蓋柯作畫虞必題故云

仲穆墨蘭

滋蘭九畹空多種何似墨池三兩花近日國香零落盡王孫芳草遍天涯

草木子趙仲穆者子昂學士之子宋秀王之後裔也能作蘭木竹石有道士張伯雨題其墨蘭詩云云仲穆見而媿之遂不復作

唐濤詩評趙子昂宋宗人也而仕於元書法丹青

皆名後世然多有題其畫相譏訕者一人題子昂
畫蘭云云

案詩評作識子昂與集中詩題不合

西湖放燈

共泛蘭舟燈火闌不知風露濕青冥如今池底休鋪錦此
日槎頭直掛星爛若金蓮分夜炬空於雲母隔秋屏却憐
牛渚清狂甚苦欲燃犀走百靈

熙朝樂事七月十五日俗傳爲中元節地官赦罪之辰人家多持齋誦經僧家建盂蘭盆會放燈西湖及塔上河中謂之照冥官府張伯雨詩云云

句

風沙不憚五千里將身跳入仙人壺

輟耕錄道士張伯雨嘗從王溪月真人入京初燕
地未有梅花吳閒閒宗師時爲嗣師新從江南移

至護以穹廬隔曰漱芳亭作雨閣造其所憊若與故人遇徘徊既久不覺熟寢於中真人終曰不見伯雨深以爲憂意其外出迷失街道也夢覺曰已暮矣歸道所由嗣師笑曰伯雨素有詩名宜作詩以贖過伯雨遂賦長詩有云云之句嗣師大喜送翰林集賢嘗所往來者袁學士伯長謝博士敬德馬御史伯肅吳助教養浩虞修撰伯生和之

鄒復雷號雲東

人

自題春消息圖

蓬居何處索春回
分付寒蟾伴老梅
半縷烟消虛室冷
墨痕留影上窗來

鐵網珊瑚予抵鵠沙泊洞元丹房主者爲復雷鍊師設茗供後連出清江楮二番求東來翰墨師與其兄復元皆能詩畫旣見元竹復見雷梅卷中有山居老仙品題春消息字遂爲賦詩卷之當時至正秋七月廿有七日老鐵禎在蓬簾居試陳有墨尚恨乏筆

富恕字 吳江人以儒入道號林屋道人

西湖竹枝詞

十里荷花錦一機雨餘荷氣撲人衣滿船游女蒙白苧陣
陣腥風鷗鷺飛

西湖竹枝集布袋筇杖不憚險道訪天下仙山有所得輒寄於詩其作竹枝雖不本題無所比興特於題外爲善刻云

余善字復初玉峯清真觀道士

句

長桑樹爛金雞死 壺中天地小如瓜

列朝詩集楊廉夫跋云此予方外友余善追和張外史游仙詩一十解予小加點讀至云云客遼床三叫以爲老鐵喉中語也又如云云雖老鐵無以著筆矣

于立字彥成號虛白子南康人

前題

儂家住在湧金門青見高峯白見雲嶺上已無丞相宅湖
邊猶有岳王墳

楊柳樹頭雙鵲鴟雨來逐婦晴來呼鶯鶯到死不相背雙
飛日日在西湖詳燕不花下

鄧青陽

句

忘情消白日高臥看青山

萬歷湖廣總志鄧青陽南巖道士生于元季早歲入武當從高士學黃老文始莊列周易參同龍虎大丹諸書精思純鍊深得其奧凡所寓興吐辭發語皆有激發寓武林有云云之句

元詩紀事卷十五

釋子

侯官陳衍緝

子溫字仲言號日觀華亭人宋亡出家住杭之瑪瑙寺
朱宣慰家題畫

昔有朱買臣今有朱宣慰兩個擔柴夫並爲朱紫貴

癸辛雜識嘗在朱宣慰家作畫訖遂寫一詩云云
朱老欣然曰朱清果是賣蘆葦出身和尚說得我
着遂饋贋五錠酬之

題畫葡萄卷後

明月清風宗炳社夕陽秋色庾公樓修心未到無心地萬
種千般逐水流

江村消夏錄紙長宜以好詩書之爲後之名勝笑
覽子溫題

有規

絕句

讀書已覺眉棱重就枕方欣骨節和睡去不知天早晚西窗殘日已無多

吳中舊聞徐敦立言往歲吳中多詩僧其名往往見於前輩文集中余渡江之初猶見有規者頗以詩知名其爲人性坦率其徒謂之規方外時年四十餘矣談論蕭散可嘉臨終前數日有詩云云葉左丞大愛之

德豐

重陽

戰盡今秋見太平西風多作北風聲不吹烏帽吹氈帽確下黃花笑不成

答鍾山長老

耿耿孤吟對古梅，忽傳軍將送書來。
倚崖枯木摧殘甚，虛負陽和到一回。

山房隨筆僧德豐二山人有重陽詩云云竟不起老舉以自代答云云竟不起

淨權字道衡徑山僧

南山詩

紫氣金丹曉靄靉玉井春晝牛曾寓意鳴鶴更通神

閒居錄工於文章既寫與人即不留稿嘗有南山詩云云又好言葛稚川陶隱居事凡問權未言名字止日大迂闊者即知爲道衡矣

存誠

絕句

元詩紀事

卷十五

二

別後多遊滄海東忽攜詩卷到山中立談數語飄然去滿徑松花落午風

閑居錄 蔣景裴嘗誦存誠上人詩云云余甚愛之

了慧字岳重武林人

春日田園雜興

平疇水繞逕微分小圃雲深景不繁此處農桑雖是僻多情鶯燕不嫌村倦眠芳草閒黃犢靜對幽花倒綠尊見說弓旌方四出欲更名姓掩衡門

月泉吟社第三十三名 田園對起已占地步領聯得闔闈之妙餘佳

有在

武陵勝集得園字

騎馬一身雪來敲隱者門林林憂桂玉草草樂琴箏勳業
誇麟閣文章鄙兔園探題歸去路燈火已黃昏

詳白珽下

溥光字亥暉

懷麓堂集嘗聞趙松雪過酒肆見其甯字駐視久之謂當此書無我逮者而此書乃過我問知爲一僧書則雪菴李溥光也因薦之朝累官昭文館大學士

夷白齋詩話元釋溥光字元暉俗姓李氏特封昭文館大學士榮祿大夫賜號立悟大師有二絕句二云蜞蜞殺敵蚊眉上蠻觸交爭蝸角中何異諸天觀下界一微塵裏鬪雌雄荳苗鹿嚼解馬毒艾葉雀銜奪燕巢鳥獸不曾有本草詩知藥性是誰教詩亦奇拔恨不多見

月山詩話夷白齋詩話載元釋溥光二絕句稱其奇拔恨不多見其詩即樂天蜞蜞殺敵蚊巢上荳苗鹿嚼解馬毒二首也此君未讀長慶集必平日不喜白體者

錫工

一聲鑄子噪秋蟬門內老僧驚畫眼毫髮盡時髦髮在夕
陽芳草自芊芊

句

賣與買人誰是主一犁春雨鶴鳩啼

近峯聞略予嘗得兀僧雪菴外集略記數語其題
買田券云云鑄工云云皆河人意

明本號中峯錢塘人出家吳山聖水寺後爲天目僧有
中峯廣錄梅花百詠行世

蘇談中峯卓錫處皆以幻住名之道行既高四衆
皈向凡建所謂幻住庵者有數十處今在吳中者
居吾家雁蕩村之西無二里遠也雖殿堂二間基
址去地殆五尺餘云禪師之所築也故老相傳建
此庵時馮海粟煉泥趙子昂搬運中峯自以塗壁
即此草堂是也

九字梅花詠

昨夜西風吹折千林梢渡口小艇滾入沙灘砌野橋古梅
獨臥寒屋角疏影橫斜暗上書窗敲半枯半活幾個擊磬
簫欲開未開數點含香苞縱使畫工奇妙也縮手我愛清
香故把新詩嘲

風月堂雜志昨夜西風云云此天目山釋明本中
峯九字梅花詩也松雪趙文敏公與之爲方外交

同院學士馮海粟子振甚輕之一日松雪強扯中
峯同訪海粟海粟出暇日所爲梅花百詠詩示之
中峯一覽走筆亦成一百首海粟猶未爲然復出
此詩求和海粟踈然久之致禮而定交焉

升庵詩話補遺中峯有九字梅花詩云云池南唐
文薦綺謂余曰此詩不佳影不可言敲又後四句

有齋飯酸餡氣

天目山

一山未盡一山登百里全無一里平疑是老僧遙指處只

堪圖畫不堪行

柳亭詩話中峯本諺天目二云二云結句乃杜荀鶴閩中秋思詩

雪

凍雲四合雪漫漫誰解當機作水看只爲眼中花未警
啟窗猶看玉琅玕

小窗清紀古今雪詩甚多獨中峯老人一偈二云二云
自是中峯好句

淨土詩

富貴之人宜念佛黃金滿庫穀盈倉世間受用無虧缺只
欠臨終見願王

身膺宰輔與朝郎蓋世功名勢莫量自性彌陀如不念未
知何以敵無常

筆精中峯淨土詩云云可爲富貴人之針砭

行端字元叟臨海人

擬寒山子詩

昨日東家死西家賙冥財今朝西家死東家陳酒杯東東復西西輪環哭哀哀不知本貞性懵懵登泉臺

筆精讀此可以警世之貪婪富貴而不知返者

圓至字天隱別號牧潛高安姚氏子駐錫建昌之能仁有筠溪牧潛集

贈天紀

拈筆詩成首首新興來豪呴欲攀雲難醫最是狂吟病我恰才痊又到君

南濠詩話長洲陳湖磧沙寺元初有僧魁天紀者居之船與高安僧圓至友善至嘗注周伯弔所選唐二體詩船割其資刻置寺中方萬持爲作序由是三體詩盛傳人間今吳人稱磧沙唐詩是也船讀儒家書尤工於詩平生匡立絕俗誓不出世住山至有詩贈之云云

寒食

月暗花明掩竹房輕寒脈脈透衣裳清明院落無燈火獨向廻廊禮夜香

曉過西湖

水光山色四無人清曉誰看第一春紅日漸高弦管動半湖煙霧是游塵

送人

送子江頭水亦悲更能隨我定何時垂楊但爲秋來瘦不

爲秋來有別離

句

春路晴猶滑山亭晚更深

再往湖南

竹枯湘淚盡花發楚魂香

並坐夜深皆不語一燈分映兩閒身

徐香居士見訪

南濠詩話元僧圓至工於古文而詩尤清婉其寒食各云他如云其造語之妙當不減於惠勤參寥輩也

善住字無住別號雲屋吳郡僧有谷響集

三高祠

越國謀臣吳國讎如何廟食此江頭扁舟載得蛾眉後却作三江汗漫游

范蠡

南濠詩話三高祠在吳江長橋南中祀越上將軍范蠡晉大司馬東曹掾張翰唐贈右補闕陸龜蒙

國朝著於祀典齊東野語載宋人詩云可笑吳瀛忘越憾却誇范蠡作三高又云千年家國無窮恨只合江邊祀子胥蓋深非之近讀僧善佳三高祠詩范蠡云云其見亦同

本文一作誠字道元號覺隱

睡起

花下拋書枕石眠起來閒漱竹間泉小窗石鼎天猶煖殘
燼時飄一縷煙

江亭秋晚

獨倚清江秋思長晚潮初上水亭涼海門風起雙巒暝一抹銀花湧夕陽

又

藤枯摧老樹石裂礙深溪陰洞水聲合短垣松影齊磽回

知徑遠山迴覺梅低忽爾破孤寂嶺猿清晝啼

蓬窗曰錄元僧覺隱與笑隱訢公天隱至公皆以詩自豪相頡頏時號三隱覺隱睡起云云江亭秋晚云云又云云

梵琦字楚石

句

自言羊可種不信爾成絲

詳吳萊下

祖柏字子庭四明人有不繫舟集

賦蓋

百骨攢來一線收葫蘆金頂蓋諸侯一朝擰出馬前去真
個有天無日頭

江南通志柏子庭能詩浪迹雲游乞食嘉定村落語雜諧調一日偶觸某官驕從縛至知爲子庭命

賦所張蓋應聲二云云某官笑而釋之

口占

一封丹詔未爲真
三杯淡酒便成親
夜來明月樓頭望
惟有嫦娥不嫁人

輟耕錄後至元丁丑夏六月民間謠言朝廷將采童男子以授韁勒爲奴婢且俾父母護抵直北交割故自中原至於江之南府縣村落凡品官庶人家俱有男女年十二三以上便爲婚嫁六禮既無片言即合至於巨室有不待輿馬親迎輒徒步以往者自後有貴賤貧富長幼妍醜匹配之不齊者各生怨悔或夫棄其妻或妻憎其夫或訟於官或死於天此亦天下之大變吳中僧祖柏素稱滑稽口占絕句云云又有人集古句云云可謂深於命意者矣

句

誰呼蓬島青頭鴨來殺松江赤連蛇

輟耕錄丙子歲松江亢旱聞方士沈雷伯道術高妙府官遣吏齋香幣過嘉興迎請以來驕傲之甚以爲雨可立致結壇仙鵲觀行月掌法下鐵簡于湖泖潭井日取蛇燕焚之了無應驗羞赧宵遁僧柏子庭有詩云云聞者絕倒

若舟字別岸橋李人

館娃宮

白晝娃宮宴未旋東風吹下越來船捧心方妬三千女嘗
膽誰知二十年花暗屢郎蜂蝶困草深香徑鹿麋眠憑欄
一段傷心事都在西山夕照邊

歸田詩話姑蘇靈巖寺館娃宮舊基也吳僧若舟別岸一詩云云用意遣詞甚佳貢有初嘗爲予誦之

宗衍字道原中吳人至正初住石湖楞伽寺有碧山堂
元寺已

集

野鷄毛羽好

野雞毛羽好不如家雞能報曉新人美如花不如舊人能
績麻績麻作衫郎得著郎見花開又花落

列朝詩集此詩流俗訛傳爲陳少卿妻寄夫之作

文信字道元永嘉人

西湖竹枝詞

西湖日脚欲沒山湖東新月牙梳彎南北兩峯船裏看却
比阿儂雙髻鬟

梧溪集道元少與道士張伯雨會稽楊廉夫齊名嘗有西湖竹枝詞云云或者病其浮薄廉夫謂曰金沙灘頭菩薩亦隨世作戲或者釋焉誠演二公與道元同字皆博學負重名而道元僅住小山林

而已

普惠號洞雲平定人

句

君王若問榆關郡地瘦民貧山水多

山西通志與中書左丞呂思誠爲方外友呂嘗作洞雲歌贈之及呂北上惠貽詩云云

椿字大年吳中人

謁楊廉夫

揚雄宅上好修竹黃妃塔前多翠微自愛高文每相見莫怪短筇來叩扉

西湖竹枝集游錢塘南北兩峯詩最多惜年不永予讀其見予詩云云爲之深悲云

艮震字雷隱三山人

絕句

六月七月生晚涼大樹小樹臨幽窗枯槎行蟻過無數晴空好鳥飛一雙

西湖竹枝集愛吟唐人七字詩而不爲律縛如云

照字覺元四明人

寄楊廉夫

絕愛才多楊執戟家住東吳錦繡場姓氏已知傳宇宙玉堂新誦好文章畫船百丈牽春雨鐵笛一聲鳴鳳凰海上相望千里隔尺書無使爲吾將

西湖竹枝集讀書灘山湖濱者十年尤長於詩云蓋不在大年之下也

自悅號白雲天台人明洪武初被召賜還

續蘭亭會補任城呂系詩

崇阿撫神秘微風扇和湧靈雨既云沐品臺區以陳蘭若
擢中沚葩萼媚芳辰散懷得真契引觴答熙春

詳張溥下

如阜字物元餘姚僧洪武初徵至南京卒

續蘭亭會補任城令呂本詩

禊飲秘圖湖天氣淑且柔傳觴際曲渚濯纓臨芳洲纖條
亂風樹幽葩落晴溝衆賓亦以樂正忘塵世憂

詳張溥下

福報字復原臨海人洪武初被召賜還

續蘭亭會補彭城曹諲詩

柔條扇微風輕波漾晴旭羣彥此委蛇鳴條集中谷列席
依巖隈飛觴隨水曲緬懷古先哲庶以繼遐躅

詳張溥下

句

東海人歸雙燕語北窗病起百花飛天台倒影三江北
太白垂芒九隴東

西湖竹枝集苦志讀書尤耽於詩清峻絕人如云
二云皆佳句也

甯字居中虎邱僧

次韻答邾仲宣

公餘聯騎入山城老衲追陪得散行短簿祠前看竹色小
吳軒上聽松聲來遊古苑春將暮歸去南樓月已明題遍
新詩佳勝處定應商略過天平

詳邾經下

天如

絕句

故人問我幾時還向道於今又入山一個蒲團半閒屋吳

松江上九峯閒

鄉屋茶香滿洞煙綠杉深處響流泉目前有法誰能說落日微風一樹蟬

竹根犬吠隔溪尋湖雁聲高木葉飛近聽始知雙榔響一燈浮水夜船歸

開渠築岸護低田坐聽鄰翁說去年賣却犁鋤買漁網兒童蕩槳到床前

筆精元末姑蘇城中師子林天如禪師俗姓譚氏江西永新人嘗作楞嚴會解行於世又能詩聊錄數首於後云云皆警句也

明

母生日

今朝是我娘生日
剔起佛前長命燈
白米自炊還自喫
與娘齋得一員僧

清睿

廣輪疆里圖

萬里山川咫尺中
江河迢遞總朝東
當時漢帝曾披此
禹因之立大功

草木子明首坐東南行脚僧也至正間來游雁蕩山值母生日以飯一盂經一卷爲母壽作偈云云

水東日記予近見廣輪疆里一圖如右其方周尺
僅二尺許皆界爲方格大約南北凡九十餘格東
西差少其陰則清濬等二詩云云此圖乃元至正
庚子僧清濬所畫

越僧

錢塘懷古

天定終南恃武功
不堪雙淚濕東風
百年南渡斜陽外
十里西湖片雨中
燕子來時龍輦去
楊花飛徹鳳樓空
倚筇曾向高風望
山掩江城霧氣籠

西湖志餘元詩有傳按察嘗作鴨頭綠詞悼宋云又有越僧云云

禪僧

黃鶴樓

一拳搥碎黃鶴樓
一脚踢翻鸚鵡洲
眼前有景道不得
崔顥題詩在上頭

游僧

前題

一拳搥碎黃鶴樓 一腳踢翻鸚鵡洲
有意氣時消意氣 不風流處也風流

升庵詩話李太白過武昌見崔顥黃鶴樓詩歎服之遂不復作去而賦金陵鳳凰臺也其事本如此其後禪僧用此事作一偈云云傍一游僧亦舉前二句而綴之云云元時借此事設辭非太白詩也

無名僧

題趙子昂書歸去來辭

興午河山半已墟 羌宵逝望歸廬
翰林學士宋公子好
事多應醉裏書

歸田詩話趙子昂以宋王孫仕元嘗書淵明歸去來辭有僧題絕句於後云云後人不復著筆

又

戲笑隱

欣哉笑隱住中峯本是鴻儒學說空羅刹江頭湖未白稽
留峯下火先紅青霄有路干丞相紺殿無顏見大雄若使
斷江知此意兩人握手泣西風

西湖志餘一曰省相笑隱看湖其日寺火時恩斷江住虎邱寺同日災有僧爲詩戲之云云

又

贈張伯雨

久聞方外有神仙只住華陽古洞天花徑不會緣客掃石
床今許借僧眠穿雲去汲燒丹井帶雨來耕種玉田一自
茅君成道後幾人騎鶴下蒼煙

南濠詩話張伯雨外史晚居茅山罕接賓客一日有野僧來謁童子拒之僧云語而主吾詩僧也胡爲拒我乃爲入報伯雨書老杜花徑不會緣客掃之向使持以示僧僧略不遑思即成詩云云末二

句頗涉譏刺伯雨得詩大驚延入置之上坐留連數日

又

絕句

百丈巖頭挂草鞋
流行坎止任安排
老僧腳底從來闇
未必骷髅就此埋

又

年節

殘年節禮送紛紛
盡是豪門與富門
惟有老僧階下雪
始終不見草鞋痕

七修類稿嘗記元僧有詩云又云予以當時忻笑隱恩斷江無極皆著名斯時要如二詩落脫高遠夫豈可到惜忘其名